

Në bazë të nenit 18 paragrafi (1) nënparagrafi 20 dhe neni 23 paragrafi (1) nënparagrafi 1 të Ligjit për Shërbime Mediatike Audio dhe Audiovizuale ("Gazeta Zyrtare e Republikës së Maqedonisë" nr.184/13, 13/14, 44/14, 101/14, 132/14, 142/16, 132/17, 168/18, 248/18 dhe 27/19 dhe "Gazeta Zyrtare e Republikës së Maqedonisë së Veriut" nr.42/20, 77/21, 154/23, 55/24, 193/24 dhe 247/25), dhe në lidhje me nenin 51 paragrafi (1) të Ligjit në fjalë, pikat 6 dhe 14 të Udhëzimit për përcaktimin e afatit për veprim sipas aktvendimeve të Agjencisë për ndërmarrjen e masës (Tekst i pastruar) ark.nr.01-4241/1 datë 1.10.2025, Raporti me shkrim për mbikëqyrje të kryer administrative ark.nr.10-5511/1 datë 23.12.2025 dhe Konkluzionin ark.nr.02-174/2 datë 14.1.2026, Këshilli i Agjencisë për Shërbime Mediatike Audio dhe Audiovizuale, në seancën e 1-rë të mbajtur më 14.1.2026, miratoi si vijon:

Aktvendim
për ndërmarrjen e masës - paralajmërim publik

1. PUBLIKISHT PARALAJMËROHET Shoqëria Tregtare Radiodifuzive (SHTR) RADIO JEHONA FM SHPKNJP Kumanovë, për shkelje të kryer të nenit 51, paragrafi (1) të Ligjit për Shërbime Mediatike Audio dhe Audiovizuale (LSHMAAV), në mënyrë që transmetuesi, në kuadër të shërbimit programor në radio transmetuar më 3 dhjetor 2025, nuk ka siguruar informacionin që duhet t'u vihet në dispozicion përdoruesve.

Shkelja e paragrafit 1 të kësaj pike është specifikuar në Raportin me shkrim për mbikëqyrje të kryer administrative me ark.nr.10-5511/1, datë 23.12.2025, i cili është pjesë përbërëse e këtij Aktvendimi si Shtojcë nr. 1.

2. URDHËROHET që SHTR RADIO JEHONA FM SHPKNJP Kumanovë, në afat prej 20 (njëzet) ditësh nga dita e pranimit të Aktvendimit, të harmonizojë veprimtarinë e saj me dispozitat e LSHMAAV.

3. Pas skadimit të afatit të përcaktuar në pikën 2 të këtij Aktvendimi, të kryhet mbikëqyrje kontrolli për të përcaktuar nëse subjekti i mbikëqyrur, i cekur në pikën 1 të këtij Aktvendimi, ka vepruar sipas Aktvendimit.

4. Ky Aktvendim është përfundimtar dhe dita e miratimit të tij llogaritet dita e çertifikimit në arkivin e Agjencisë për Shërbime Mediatike Audio dhe Audiovizuale (Agjencia).

A r s y e t i m

Agjencia, në bazë të nenit 29 të Ligjit për Shërbime Mediatike Audio dhe Audiovizuale (LSHMAA), është kompetente për të kryer mbikëqyrje administrative të punës së botuesve të mediave nga aspekti i harmonizimit të punës së tyre me kushtet e përcaktuara në Ligjin për Media, LSHMAA dhe dispozitat e miratuara në bazë të tij.

Në përputhje me nenin 23 paragrafi (1) nënparagrafi 1 të LSHMAAV, Këshilli i Agjencisë kundër botuesi të medias (transmetuesi) ndërmerr masë - paralajmërim publik në rastet kur është kryer shkelje ose cënim i dispozitave të LSHMAAV dhe akteve nënligjore të miratuara në bazë të Ligjit të njëjtë, si dhe kushteve dhe detyrimeve të përcaktuara në leje dhe aktet e tjera të Agjencisë.

Sipas nenit 51 paragrafi (1) të LSHMAAV, ofruesit e shërbimeve mediatike audio ose audiovizuale duhet përdoruesve t'u ofrojnë qasje të lehtë, të drejtpërdrejtë dhe të përhershëm së paku për të dhënat e mëposhtme: emrin e ofruesit të shërbimit mediatik audio ose audiovizual, përkatësisht emrin, shenjën mbrojtëse ose shenjën e shkurtuar të identifikimit (avizo, logo, etj.); adresën e selisë së ofruesit të shërbimit mediatik audio ose audiovizual; të dhëna për kontakt të ofruesit të shërbimit mediatik audio (numër telefoni, adresë të postës elektronike e-mail dhe/ose ueb-faqes, personi për kontakt të shpejtë, të drejtpërdrejtë dhe efikas) dhe, nëse është e mundur dhe të organit rregullator kompetent.

Në kuadër të kompetencave të saj ligjore, Agjencia, nëpërmjet Sektorit për çështje programore, më 22 dhjetor 2025, ka kryer mbikëqyrje të rregullt administrative (monitorim) të shërbimit programor në radio të SHTR RADIO JEHONA FM SHPKNJP Kumanovë, të transmetuar më 3 dhjetor 2025, në nivel lokal (në zonën e komunës së Kumanovës), gjatë së cilës u konstatua shkelja e nenit 51 paragrafi (1) të LSHMAAV.

Konkretisht, nga mbikëqyrja u konstatua se më 3 dhjetor 2025, SHTR RADIO JEHONA FM SHPKNJP Kumanovë nuk ka ofruar informacionin që duhet t'u vihet në dispozicion përdoruesve, përkatësisht nuk u mundësoi qasje të lehtë, të drejtpërdrejtë dhe të përhershme së paku për të dhënat e mëposhtme: emrin e

plotë të ofruesit të shërbimit mediatik audio; adresën e selisë së ofruesit të shërbimit mediatik audio; të dhënat për kontakt (numër telefoni, adresë të postës elektronike e-mail dhe/ose ueb-faqes; personi përgjegjës për kontakt të shpejtë, të drejtpërdrejtë dhe efikas) dhe organit rregullator kompetent.

Shkelja nga pika 1 e këtij Aktvendimi është specifikuar në Raportin me shkrim për mbikëqyrje të kryer administrative ark. nr.10-5511/1 datë 23.12.2025, që është pjesë përbërëse e këtij Aktvendimi si Shtojcë nr.1

Në përputhje me nenin 23, paragrafi (3) të LSHMAAV, Këshilli i Agjencisë drejtuar SHTR TRD RADIO JEHONA FM SHPKNJP Kumanovë më 25.12.2025, dërgoi Shkresë ark.nr.10-5511/2 datë 25.12.2025, me të cilën paraqiti Raportin me shkrim për mbikëqyrje të kryer administrative ark.nr.10-5511/1 datë 23.12.2025, me qëllim që në afat prej 7 (shtatë) ditë pune nga dita e pranimi të shkresës, drejtuar Këshillit të Agjencisë të dorëzoj deklaram me shkrim për shkeljen e kryer të dispozitave të LSHMAAV. Shkresa u pranua në mënyrë të rregullt nga transmetuesi më 31.12.2025. Në afatin e parashikuar, SHTR RADIO JEHONA FM SHPKNJP Kumanovë, me Njoftimin ark.nr.10-39/1 datë 5.1.2026, u deklarua për shkeljen e kryer të dispozitave të LSHMAAV. Këshilli i Agjencisë, në seancën e mbajtur më 14.1.2026, pasi shqyrtoi lëndën Raport me shkrim dhe njoftimin e paraqitur, konkludoi që SHTR RADIO JEHONA FM SHPKNJP Kumanovë t'i shqiptohet masë - paralajmërim publik.

Rrjedhimisht nga sa më sipër, në bazë të nenit 18 paragrafi (1) nënparagrafi 20 dhe neni 23 paragrafi (1) nënparagrafi 1 të LSHMAAV, dhe në lidhje me nenin 51 paragrafi (1) të Ligjit në fjalë, pikat 6 dhe 14 të Udhëzimit për përcaktimin e afatit për veprim sipas aktvendimeve të Agjencisë për ndërmarrjen e masës, Raporti me shkrim për mbikëqyrje të kryer administrative ark.nr.10-5511/1 datë 23.12.2025 dhe konkluzionin ark.nr.02-174/2 datë 14.1.2026, për konstatim të mosrespektimit të dispozitave të LSHMAAV, përcaktuar në pikën 1 të këtij Aktvendimi, Këshilli i Agjencisë, në seancën e mbajtur më 14.1.2026, miratoi Aktvendim me të cilin publikisht paralajmëron SHTR RADIO JEHONA FM SHPKNJP Kumanovë dhe urdhëron që në afat prej 20 (njëzet) ditësh nga dita e pranimi të Aktvendimit, të harmonizojë punën e saj me dispozitat e LSHMAAV. Pas skadimit të afatit të përcaktuar në pikën 2 të këtij Aktvendimi, të kryhet mbikëqyrje kontrolli për të përcaktuar nëse subjekti i mbikëqyrjes, i cekur në pikën 1 të këtij Aktvendimi, ka vepruar sipas Aktvendimit.

Në përputhje me nenin 24 të LSHMAAV, ky Aktvendim është përfundimtar dhe kundër këtij aktvendimi transmetuesi ka të drejtë padie për ngritje të kontestit administrativ para gjykatës kompetente. Padia për ngritjen e kontestit administrativ paraqitet në afat prej 30 ditësh nga dita e pranimi të aktvendimit.

Bazuar në sa më sipër, u miratua aktvendim si në dispozitiv.

Shtojcë (1):

1) Raport me shkrim për mbikëqyrje të kryer administrative ark.nr.10-5511/1 datë 23.12.2025.

Përktheu: Antoneta Shabani

**Agjencia për Shërbime Mediatike
Audio dhe Audiovizuale
Kryetari i Këshillit,
mr. Sasho Stefanovski**

Këshillë juridike: Kundër këtij aktvendimi transmetuesi ka të drejtë padie për ngritje të kontestit administrativ para gjykatës kompetente. Padia për ngritjen e kontestit administrativ paraqitet në afat prej 30 ditësh nga dita e pranimi të aktvendimit.